



## Australian Chungkhar Pawl



### Australia mi chungkhar pawl zeidah an lawh?



Australia ah aa dang liangluangmi chungkhar phun pawl tampi an um.



Na rak i ziakmi chunghar phun he aa dang kho men.



Australia mi chungah ah aa telmi cu:


- hringtu pa, hringtu nu le fale pawl



- nulepa ei le fa ei



- cawmkenmi nulepa le fale



- tale le farle mah le mah aa zohkhenhmi



- nulepa sinak lei ngeih aa khatmi nulepa



- tule pawl a zohkhenhtu putar le pitar



- an fale a zohkhenhtu nulepa pakhat

## Australia mi chungkhar pawl zeitluk ngan dah an si?



Australia i chungkhar ah minung zeizat paoh an um kho.



Chungkhar tampi nih fa 1 asilole 2 lawng an ngei.



A dang chungkhar pawl nih fa 3 asilole 4 an ngei kho men.



Cheukhat chungkhar pawl cu fa an ngei lo.



Nu tampi nih kum 30 an luan hlan ah fa an ngei lo.

## Samhmi chungkhar pawl



Samhmi chungkhar pawl nih hmunkhat ah a umti mi chungkhar minung tampi a ngei kho.



Samhmi chungkhar i aa tel khomi cu:

- putar le pitar
- nile pawl le pule pawl
- innlak unau pawl

Australia mi dihlak nih samhmi chungkhar ah um a si lo.




Nulepa a upa mi cu hi ah hin an um kho:

- anmah inn ah



- upa deuh tar pawl caah a hlei in zohkhenhnak inn pawl

## Thitumnak tuah




Australia ah nu le pa cu thitumnak tuah lo in hmunkhat ah an umti kho ko.



Hihi cu zapi nih hngalhmi upadi asilole i thitum lo in i pehtlaihna tiah auh a si.



Hihi mibu le upadi nih a hngalhpimi a si ko.



Australia ah zalong tein midang he naa tthi um kho:

- miphun dang pawl
- nunphung dang a ngeimi pawl
- biaknak dang pawl

# 18+

I tthitum ding ah cun kum 18 nak upa deuh na si a hau.



Kum 18 nak no deuh na si ahcun aa thitum kho ding na si tiah biaceih zung nih bia a khiah lai.

A thami a ruang na ngeih a hau.



Australia ah tawlrel piakmi thitumnak an tuah kho, an pahnih nih:

- pakhat le pakhat i thitum an duh ko ahcun
- kum 18 nak upa deuh an si ahcun



Aho hmanh kha hnekchom in i thit um khawh a si lo.



Hnekchom thitumnak cu phung ning lo a si.



Voi voikhat ah va pakhat asilole nupi pakhat nak tam deuh ngeih cu phung buar a si.



Minung 2 in umti an duh ti lo ahcun, i then khawh a si.


Nuva then hi:



- a cang ngaimi
- mibu nih cohlan khawhmi a si

Nuva then hnu ah thitumnak ngeih than hi Australia i minung pawl caah a um ngaimi a si.

## Riantuan le rian



Australiami nu tampi nih inn in a lengah riantuanmi le rian an ngei.



Australiami pa tampi nih inn chungtang rian tuan in an bawmh hna.



An tuahmi pawl aa tel khomi cu:

- chungkhar herhmi rawl caah dawr kal
- rawlchuan
- inn thianh
- ngakchia zohkhenh



Nu pawl riantuannak an kal lio ah cheukhat pa pawl cu inn ah an um i ngakchia an zohkhenh hna.



Tleirawl pawl cu caancheu riantuanmi an ngei theo i cu nih cun a bawmh hna:

- tangka an hmuh
- thiamnak thar an cawn



Riantuanmi ngeihnak nih hihi hmuhnak a bawmh khawh hna:

- rian ah hmuhtonmi
- tangka
  - anmah pumpak caah
  - chungkhar nih pek dingmi tangka pawl bawmh ding ah



**Australian Government**  
Department of Social Services

Mipeem Caah Tuantu Ramkip Huap Phu  
nih Australian Cozah Zatlang Bawmhna  
Phu ai-awh in a cawnpiak hna

